




Tolosaldea
udalak
garatzen



**LANKIDETZA-HITZARMENA, ASTEASUko UDALA ETA TOLOSALDEA GARATZENen ARTEAN,
TOLOSALDEKO UDALERRIETAN TOKIKO GARAPEN IRAUNKORREKO POLITIKEN SUSTAPENERAKO**

Tolosan, 2021eko otsailaren 26an

BILDURIK

Pili Legarra Kortajarena, ASTEASUko alkatea, ASTEASUko Udalaren izenean eta hura ordezkatzuz.

Iker Urruzola Aizpurua, Tolosaldea Garatzen S.A.ko lehendakaria, erakunde honen izenean eta hura ordezkatzuz.

Esku-hartzaileek, beren karguei dagozkien funtzioak betez, esku hartzen duten bezala, hitzarmen honetarako erabateko gaitasuna aitortzen dietela elkarri, eta ondorio horietarako:

ADIERAZTEN DUTE

Lehenengoa.- Udal kudeaketa garapen jasangarriaren printzipioetara egokitzeko ekimenak, programak eta estrategiak aurrera eraman behar direla. Garapen iraunkorra, hain zuzen ere, hauex da: beste gune geografiko batzuen edo etorkizuneko belaunaldien garatzeko gaitasuna arriskuan jarri gabe uneko eta etorkizuneko tokiko beharrak asebetetzea.

Bigarrena.- ASTEASUko udala neurri txikikoa dela giza eta ekonomi baliabide urriekin, eta horren aurrean tokiko garapen jasangarriko proiektuak bere kabuz garatu eta behar bezala ezartzeko modurik ez duela. Ondorioz, Tolosaldea Garatzen, S.A., eskualdeko garapen agentziarengana jo duela zerbitzu hori udal desberdinen artean partekatu ahal izateko beharrezkoak diren teknikariak kontratatzeke eta haien bidez zerbitzua bermatzeko eskatuz.


Hirugarrena.- Tolosaldea Garatzen, S.A.k eskualdeko udal guztien artean sortutako erakundea izanik, eta bere gizarite xedean aurreikusitakoari jarraiki, haien arteko zerbitzu partekatuak sustatzen dituela, baliabideen erabilpen eraginkorrago batean laguntzeko eta garapen iraunkorreko proiektuak garatzeko plataforma moduan.

Laugarrena.- ASTEASUko udalak eskatutako zerbitzua eskaini ahal izateko, eskualdean zerbitzu partekatuetarako behin betiko kontratazio eredua finkatu bitartean, eta beti ere, behin behinekotasun irizpidearekin, Tolosaldea Garatzenek garapen iraunkorreko projektutarako teknikari partekatuak kontratatuko dituela.

Ondorioz, ASTEASUko Udalak eta Tolosaldea Garatzenek, lehenago adierazitakoa kontuan izanik, lankidetzaz-hitzarmen hau sinatu dute, klausula hauek kontuan hartuta:



Tolosaldea
udalak
garatzen



KLAUSULAK


Lehenengoa.- Hitzarmen honen helburua da ASTEASUko Udala eta Tolosaldea Garatzen S.A.ren arteko harremana arautzea, ASTEASUko Udalean modu partekatuan garapen jasangarriaren inguruko ekimenak garatzeko Tolosaldea Garatzen, S.A.k kontratatuko duen teknikariaren zerbitzuari dagokionez.

Bigarrena.- Hitzarmen hau sinatzean, Tolosaldea Garatzen S.A.k eta ASTEASUko Udalak, konpromiso hauek hartzen dituzte:

1. Tolosaldea Garatzen S.A.k ASTEASUko udalean garapen iraunkorreko estrategiaren jarraipenean modu partekatuan jardungo duen teknikariaren funtzioak honakoak izango dira:
 - Udalaren garapenerako beharrezkoak diren ekintzak sustatu eta dinamizatu, beti ere garapen iraunkorrean oinarrituta.
 - Udalerriko Tokiko Agenda 2030 sustatu eta informazioa zabaldu.
 - Bere gaiekin bat datozen diru laguntzen eskaerak bideratu eta jarraipena egin.
 - Ekintza planen jarraipena burutu eta errebisioez arduratu.
 - Bere kualifikazio profesionalarekin bat datorren beste edozein zeregin, halakorik agintzen badiote.
 - Tolosaldea Garatzeneko Udal Saileko arduradunaren ardurapean egongo da, hark sustatutako lan ildoak eta ekintzak bultzatuz.
2. Tolosaldea Garatzen S.A.k urteko gestio plana burutuko du bertan zehaztuko dituelarik hurrengo urterako aurreikusitako sarrerak eta gastuak. Kanpoko laguntzen bitartez osatu gabeko defizita, teknikariaren dedikazioaren arabera banatuko da udal erabiltzaileen artean, eta ondorioz udalei fakturatuko zaie.
3. ASTEASUko Udalarekin ondorengo baldintza hauek adostu dira honako hitzarmenaren bidez:
 - Dedikazioa: teknikari baten lanaldi osoaren (urtean 1.592 ordu) %20-a, hau da 318 ordu urtean. Dedikazioa aldaezina izango da hitzarmen hau indarrean dagoen artean.
 - Zenbatekoa: 33 euro orduko. Kopuru hau aurreko urteko EAeko KPIaren arabera eguneratuko da datozen ekitaldietan.
 - Tolosaldea Garatzenek bere udal bazkideei eskainitako zerbitzuak ez daude BEZari lotuta.
 - Zerbitzuaren egutegi eta ordutegia Tolosaldea Garatzen, S.A. eta ASTEASUko udalaren artean adostuko dira.
 - Tolosaldea Garatzen, S.A.k izendatutako teknikaria zerbitzua era egokian emateko titulazioa eta esperientzia izango du.
 - Tolosaldea Garatzen, S.A.k teknikariaren lanaren antolamendua, kontrola eta zuzendaritza kudeatuko du; hortaz, Asteasuko Udalak ez ditu ezarriko Tolosaldea Garatzen, S.A.ko teknikariaren oporrak ezta ordutegiak. Nolanahi ere, Udaletxeko bulegoetako ordutegiaren barne emango da zerbitzua, astelehenetik ostirala arte, udaletxearen irekiera eta itxiera fisikoaren ordutegiarekin bat.
 - Tolosaldea Garatzen, S.A.ko material-baliabideekin egingo du lana; hala ere, Udalak hala eskatzen badu, teknikariak Udaletxeko lehenengo solairuan dagoen bulego partekatu bat erabiltzeko aukera emango du, eta bertako materiala erabili ahal izango du (eserlekua, mahaia, ordenagailua eta inpresora). Azken egoera hori eman ahal izango da kasu hauetan: herritarrak bilera eskatzen badu, teknikariak



Tolosaldea
udalak
garatzen



udaleko espedienteak kontsultatzeko beharra badu, eta udalak hala eskatzen badu.

- Asteasuko Udalak ez dizkio emango zuzendaritza-instrukzioak Tolosaldea Garatzen, S.A.ko teknikariari; bere ordez, instrukzio horiek Tolosaldea Garatzen, S.A.k eta Asteasuko Udalak izendatutako arduradunen artean bideratuko dira.

4. ASTEASUko Udalak bere gain hartuko ditu bertan hitzarmen honen baitan lanean ari den teknikariaren lan kontratutik eratorri daitezkeen kostu eta balizko kalteordain guztiak, beti ere teknikariaren zerbitzuak udal horretan izan duen dedikazio eta iraupenaren arabera.

Hirugarrena.- Hitzarmen honen bitartez teknikarien dedikazioa bakarrik arautzen da.

Teknikarien lanetik erator daitezkeen proiektuek tratamendu berezia izango dute eta kasu bakoitzean aurreikusiko da nola kudeatu kostua eta kanpotik lor daitezkeen finantzazioa.

Laugarrena.- Hitzarmen hau 2021eko urtarrilaren 1etik egongo da indarrean eta 2021eko abenduaren 31 arte iraungo du.

Hitzarmen hau sinatu duten alderdiek bertan behera utz dezakete, baldin eta hiru hilabete lehenago jakinarazten badiote beste alderdiari.

Eta ados daudela egiaztatzeko, hitzarmen hau sinatuko dute bi aletan, goian aipatutako lekuan eta egunean,

ASTEASUko Udalaren izenean

MARIA PILAR
LEGARRA
CORTAJARENA
- 72430869M

Firmado digitalmente
por MARIA PILAR
LEGARRA CORTAJARENA
- 72430869M
Fecha: 2021.03.10
10:42:55 +01'00'

Sin.: Pili Legarra Kortajarena

Tolosaldea Garatzen S.A.ren izenean

Sin.: Iker Urruzola Aizpurua



Tolosaldea
garatzen



10/10/10

10/10/10